

Schiab o

Wanne im Transrapid de 5. Startbahn entlangfohr
bis auffe zum Rheinmain Donau Kanal
no kones net glam
daß ma ohne Wiederaufbereitungsanlag
scho seit so vui Johr überlebt ham

Wenne von da A94 auf d A92 ummeschau
S' ganz Land a oanzige Gewerbeschau
Arbeitspletz, ja Arbeitspletz, ja oba scho genau
oba de verdammte Arbeitshetz de macht as Dasein rau

Fohr zua, Fohr zua, Fohr zua...

Ja bine den a Protestsänger aus de Siebzgerjahr
Koa Ahnung vo nix dafia lange Hoor
Im Zuahean schlecht, oba oiwei im Recht
Heit wenn es bedeng, no wares gern gwen

Fohr zua, Fohr zua, Fohr zua...

An Weltraumbahnhof fia jedn Landkreis
Brauche i ois rüstiger Tattergreis
Und zum Steam ganz am Schluß
Fliag i midn Spacetaxi auf d Veeheenus

**Fohr zua, Fohr zua, Fohr zua
Nix gäät mehr schneu gnua
schiab o schiab o wiara Stia
wei langa duads nia...
na langa duads nia...**

